

Ho ipiletswa ho balefalekgetho hore ba hlomphe letsatsi la ho qetela la sehla sa ho faela

Tshwane, 9 Pudungwana 2021 – Ditshebeletso tsa Lekgetho tsa Afrika Borwa (SARS) di lakatsa ho hopotsa balefalekgetho bao e seng ba nakwana ka bonnotshi ba bona ho faela dikgutliso tsa bona tsa lekgetho la lekeno ka la kapa pele ho letsatsi la ho qetela la 23 Pudungwana 2021.

Ho tla ba le dikotlo bakeng sa balefalekgetho ba hlolehang ho fana ka dikgutliso tsa bona tsa lekgetho la lekeno ka mora letsatsi lena.

Balefalekgetho ba tlameha ho hlokomela hore ho ya ka diphetoho tsa molao, SARS e tla kenya dikotlo ho tloha ka la 1 Tshitwe 2021 ebang ho na le kgutliso kapa dikgutliso tse ntseng di le morao.

Pele ho diphetoho tsena tsa molao, SARS e ne e sa kgone ho kenya dikotlo ebang ho ne ho na le kgutliso kapa dikgutliso tse ntseng di le morao. Molao ona wa kgale o tla dula o sebetsa nako ya selemo se le seng sa 2020 le hodima dikgutliso tsa tšileng pejana.

Balefalekgetho ba seng ba fumane dikgutliso tse seng di hlahlobilwe ba tlameha ho lokisa kapa ho ananela dihlahlobo tsa bona ho eso fete la 23 Pudungwana. Ebang ba sa etse jwalo, ba tla fumana hlahlobo e akantsweng eo ba sa tlo kgonang ho kenya ngongoreho kapa boipiletso ho yona.

Le ha ho le jwalo, molefalekgetho ya sa dumellaneng le hlahlobo e akantsweng e ntshitsweng ka mora la 23 Pudungwana, a ka kenya kgutliso e tlatsitsweng le e nepahetseng matsatsing a 40 a kgwebo ho tloha mohla letsatsi la hlahlobo e akantsweng.

Kgutliso e jwalo e tla be e le morao ho nako, ho bolelang hore ho tla ba le dikotlo le tswala ya tlwaelo bakeng sa nyehelo e morao ho nako (moo sena se hlokehang teng).

Khomishenara ya SARS Edward Kieswetter o boletse hore ho faelwa ha kgutliso ya lekgetho ke boitlamo ba molao bakeng sa balefalekgetho bao ba lokelang ho faela mme sena se thusa tlwaelo ya ho ikobela tefo ya lekgetho ka boithaopi.

“Empa ho feta tlhokeho ya molao ya ho faela kgutliso, balefalekgetho ba etsang se nepahetseng ba thusa mmuso ho tobana le ditlhoko tsa motheo tsa ba hlohang le ba kotsing ya ho utlwiswa bohloko ka ho fana ka ditsiane tsa thekolohelo le tsa bophelo bo botle, hara tse ding.”

Khomishenara o tlatsitse ka hore, “SARS e hlophisitse dikanele tse mmalwa tse ntjhafaditsweng tsa dijithale tse fumanehang bosiu le motshehare. Sena se tla thusa ho fana ka tlhakisetsa le ho nolofaetsa balefalekgetho dintho hore ba tsebe ho ikobela letsatsi la ho qetela la 23 Pudungwana ntle le mathata afe kapa afe. Dikanale tsena hara tse ding di akaretsa, SARS eFiling, SARS MobiApp le tshebeletso ya SMS. Dintlha tse fetang tsena di fumaneha websaeteng ya SARS.”

Balefalekgetho ba nakwana ba na le ho fihlela ka la 31 Pherekong 2022 ho phetha boitlamo bohle ba bona.

Ho fumana lesedi le fetang lena, ikopanye le SarsMedia@sars.gov.za